

四庫全書

集部

欽定四庫全書

兩宋名賢小集卷三百五十一

宋 陳思 編

元 陳世隆 補

林湖遺藁

高鵬飛字南仲餘姚人有林湖遺藁

次王元吉詠梅

約畧陽和動琯灰南枝已冠百花魁莫教隴驛攜春去

且向羅浮喚夢回玉骨風標自仙種鐵腸賦詠漫多才
只應贖結青青子調鼎功夫看後來

窗軒

一窗開永晝萬象出天成風力欺楊絮雷聲喚笋萌
多春不願病起眼猶明最喜今朝雨川原是暮耕

過王氏雲莊

十里雲莊路東風信杖藜好花連夜發幽鳥傍人啼
香宇禪心冷山容醉眼迷老僧春睡處明月映棋西

孤吟

世景雲來去人情水淺深
塵埃從滿眼交友欲知心
山簡豈愛酒陶潛元解琴
對人不敢語仰面數歸禽

深夜風雨有懷故人

心馳流水高山外身在落花啼鳥中
滴得愁濃紅杏雨吹教夢斷碧梧風
垂堂遠愧千金子掃地空憐一畝宮
兩朶燈花伴孤獨清懽那得玉人同

首夏

千里辭家不作難歸來春事總闌珊久留午夢梅黃雨
重索冬衣麥秀寒百箔老蠶鋪雪乳一庭新竹長琅玕
此時正喜民財阜野草閒花任自殘

湖上

舟載閒雲穩湖光盪碧天笑看沙上鳥終日伴雛眠

深夜獨步思兄南伯舉杯叩門則卧矣

綠柳橋邊古道橫乾坤寂寂夜三更月窺門處君高卧
露濕衣時夜獨行杯酒孰同驅俗意天風時下步虛聲

明朝世界塵依舊試挽銀河一洗清

丈亭渡阻風

捲地西風翻巨浪小舟仍泊夜來灣行沽攜榼雖無酒
卧看開篷幸有山原草正肥黃犢飽汀蘋未老白鷗閒
平生遇險須知止眼對江神一解顏

湖上

好景難逢奈老何十年此地絕經過山如得意晚猶碧
雨亦知愁秋更多造化從渠旋磨蟻利名笑汝撲燈蛾

湖邊直欲呼船去更共漁人掛綠蓑

晚興

風靜湖光一鑑浮青山四顧淡舒秋
松陰滿逕歸來晚醉看巖花笑白頭

夜渡鄞江

睡起開篷月在沙晚江山影動龍蛇
詩成索筆無人應酒盡囊空何處賒
船去船來數聲櫓江南江北幾人家
星娥定怪歸來晚從此西風欲泛槎

南溪

聞說南溪好肩車帶雨來澗泉鳴細石松木倚蒼苔雲
笑人情薄山隨客語回黃花幽意足知復為誰開

次靜海令蓋晞之食蟹

吳中郭索聲價高草泥足上生青毛越中海市喧兒曹
白蟹厭飲霜前螯新豐逆旅酒濯足齊國相君飯脫粟
當時珍味無所需吳越土宜俱碌碌

復遊鄞江

欲叩山扉汲野泉支筇且駐柳陰邊苦無平地休穿屐
待有輕風却放船孤笛吹開雲裏月一竿撐破水中天
舟人相戒低聲語沙上恐驚鷗鷺眠

次孫燭湖秋夜有感

忽作清宵夢非關世累長月隨花影轉水照木陰涼浴
露千峰碧梳風兩鬢蒼明朝須洗耳秋意過寒蟬

舟中

木落山高秋去後犬驚人語夜深時小舟滿載離愁重

惟有孤鳴寒雁知

一水分流無限曲
兩山村對不知名
漁翁夜半歸南陌
認作中流擊楫聲

秋晚

斷雲送歸雁
斜陽明晚楓
西風灑雙鬢
醉倚危闌東

兩宋名賢小集卷三百五十一

欽定四庫全書

兩宋名賢小集卷三百五十二

宋 陳思 編

元 陳世隆 補

裨幄集

趙萬年南渡時從武科備戎行于襄陽屢著戰功有
裨幄集

臘月初三日敵人攻城以強弩射退獲捷

四圍鉦鼓震天鳴敵騎平明盡逼城萬弩應絃因退走
却疑城上有神兵

正月初三至初五再攻其攻具敵兵大却

驚車虎砲與雲梯堪笑行軍巧用機大帥胸中攄妙算
一時談笑盡灰飛

臘八危家餉粥有感

襄陽城外漲烟塵矢石叢中未死身不為主人供粥餉
爭知臘八是今辰

二月三日登城郊外春色可人而敵騎未退

平生春日不傷春今日逢春愁殺人觸目旌旗紛戰鬪
無言桃李少精神可憐野興牽羈興不分紅塵雜塞塵
直待元戎攘却後峴山無惜領嘉賓

毀土山

築土為山號距堙敵人癡計要攻城誰知壯士中宵出
三月工夫一夜平

十三日敵人勢蹙攜印來降

屹若金湯不可攻軍中誰肯自投降勢窮方獻將軍印
何似當初莫渡江

徐招幹請喫鰕魚桐皮

簷外桃花片片飛垂涎漢水鰕魚肥桐皮一作飢腸飽
似得精兵解敵圍

程機宜宅喫豆粥

豆紅米白間青蔬彷彿來從香積厨異日大官還飽飯
不應忘却在萋蕪

偶成

一心憂國不憂家
掠面黃塵帶晚沙
郵傳不通音問隔
家人夜夜卜燈花

圍中墮馬傷足方愈牙痛累日

敵騎塞東津
迤邐因此身
足傷方復步
牙痛又搖艱
忍見烟塵暗
俄驚歲事新
龍鍾三十九
碌碌度青春

歲暮

歲暮嗟為客
那堪復被圍
一心惟許國
視死已如歸

除夜

除夜春牛吼開正兵騎多有謀思却敵休問命如何

却敵凱歌

吁嗟勦敵何猖狂引弓百萬侵吾疆首屠東陽擣神馬
窺伺長江欲葦航隆冬久晴江水涸直揭小樊厲源漳
馬沈人溺相枕藉霜刃逼脅狼驅羊連營立柵三十里
旌旗蔽野塵埃黃元戎忠赤過張許隔江獨對敵人語
剖析大義面折之自比關西偉男子敵人聞風雖縮頸

業謂渡江無我禦四山列騎意洋洋擬欲一鼓下襄陽
城頭四隅密布整飭器具嚴隄防火油金汁羅砲座
託久擣木森旗旒睥睨樓櫓排萬弩鏃車尅敵皆蹶張
一朝步騎如雲集前推草牛負土囊雲梯飛橋對樓聳
虎炮驚車數里長裹以屏革如帆幔木楯皮屋翼兩旁
鐵騎後推千百隊矢如蜩集攢鋒鉞楊柳陰中浮梁就
三千敢勇忽推牆幾層列弩下如雨霹靂巨砲落穹蒼
盡將攻械付烈焰如炊蛇豕燎豺狼騎者傾仆步者走

傷者叫號立者僵軍中橫尸徧原野或貫其腦斧其吭
生擒首領數百人斃馬橫屍盈戰場未幾採木空林數
旬月運土成高岡噪聲裂地屋為震火焰燭天星無光
誰知壯士中夜出人持炬馬列前行强弩叉鏃迭相衛
長鋏大鑕聲琅琅黎明一炬為平地敵皆喪氣若有忘
因風縱火烟焰猛拱手坐視摩瘻瘡全軍震讐心膽碎
却攜金印來投降從茲敵勢大推沮自焚攻具燒營房
甫逾江北復連營放牧盈野何駟駟脫鞍解甲馬下睡

鼻中麴麴輶雷鳴豈知戰艦輕移岸急雨狂風亂櫓聲
百鼓忽鳴萬弩發繼以飛砲歛流星人馬驚亂相蹂踐
肉填溪谷厭羶腥穹廬遜去無遺跡捷書排日風颺急
九重北顧正宵衣覽奏龍顏增喜色吁嗟李勣賢長城
不假援兵敵早滅天書沓至賞元功渠渠溫語褒忠烈
方除戎團追徽省行且齋壇授節鉞命珪相印一時來
聞道殿巖已虛席誰知帷幄進奇計裨贊尤多玉季力
弟兄攜手上凌烟卓冠古今真殊絕我從武科備戎行

先生置我賓僚列雖無涓埃裨海鎮同此死生冒矢石
自愧文墨非所長妄意欲泚磨崖筆

兩宋名賢小集卷三百五十二

欽定四庫全書

兩宋名賢小集卷三百五十三

宋 陳思 編

元 陳世隆 補

東齋吟藁

陳峴字壽南溫州平陽人淳熙十四年中博學宏詞
科賜進士出身官中書舍人直學士院

飲翁常之宅分韻得友字

杖屨隨春風，邂逅得良友。行行西域道，觸目盡花柳。還步過茆茨，交歡亦何有。東隣頗好事，邀我意良厚。南窗竹風涼，更命新醅酒。一醉何足辭，期此百年久。

宿董山寺

送客聯鑣歸，得得招提宿。晚渡滄江口，路入青山曲。突兀忽在眼，一洗奔馳俗。然燈遽呼酒，僧留供野蔌。林高上明月，談聲響空谷。坐久夜益深，同來或歟熟。明朝返城郭，此興真可錄。

雨中偶成

雨聲春不絕，綠漲與池平。
久摘花猶好，新鋤艸又生。
閉門惟我獨，終日斷人行。
對酒還憂病，裁詩強遣情。

舟次鄂州

蜀江來滾滾，楚望意悠悠。
浩氣高情曉，新寒帶晚秋。
關山方北顧，烟火入南樓。
蓬鬢天涯客，蕭然一葉舟。

全州觀風樓

江源發蠻荒，來與湘瀧遇。
交流趨城隅，清映日東注。
羣

山半楚越馳驟若競赴譙門百步南樓堞此雄踞觀風
久標名棟宇初改故極目渺塞嶺蔚起矗雲霧千里聳
翠碧衆水橫練素古寺帶林薄漁艇依野渡村墟互隱
見風烟自朝暮東西亘井絡碁分雜營戍偶值豐登年
樂此保生聚秋風黃花天良集盛簪屨有觴固匪虔藉
此山水具登臨方興深諸君幸少駐

楚南偉觀樓

平生足迹窮遐陬一麾更守湖湘州西接懸崖五溪曲

南望渺極蒼梧愁天涯牢落孰慰意千嶂倒影三江流
千里脈絡茲要會意趣端與江山投羣峰四遠立碧玉
帶映林薄如雕鏤蚪蟠虎驟互起伏天作地涌非凡儔
郊村依約半洲渚遠明天際來歸舟湖南素號清絕地
一旦呈露疑神謀作成英奇易舊觀俗化遠與鄒魯侔
寄語後來無泯沒共保佳致傳千秋

郡圃依綠亭

修林平沼久荒埃招領春風一笑回掃淨莓苔分徑所

剩添桃李結亭臺時因休吏文書了忽作閒人杖屨來
待與邦人同醉樂一樽何惜少徘徊

龍憶巖

烟蘿深鎖非凡境泉石相逢似故人歸認落花猶恐誤
天風為我隔囂塵

全州龍巖

泉流縈帶夏冰玉石壁深窈寒侵衣閒鑿應勞造化力
窟宅如待靈仙歸

兩宋名賢小集卷三百五十三

欽定四庫全書

兩宋名賢小集卷三百五十四

宋 陳 思 編

元 陳世隆 補

慵菴小集

邵桂子字德芳淳安人咸淳間以博學宏詞登進士
教授處州國亡不仕娶華亭曹澤之女因家小蒸為
斯文領袖者四十年八十二卒所著有脞談稿又作

忍默恕退四卦以自警子祖義孫亨貞俱有文名

疏屋詩為曹雲西作

草菜可食總名曰疏品題有圃

疑當作譜

樹藝有書衡縱

田

畦周繞屋廬繚以樊垣經以溝渠晨出抱甕夕歸荷鋤
有蔓必薈有蝗必驅風披雨沐日暄露濡穉甲怒生嘉
苗蔚敷芥薑杞菊韭薤蒜葫薇蕨藜藿瓜瓠瓠楮鷄
桑鶯籜龍拔魚馬齒鹿角鼠尾虎鬚薯蕷蔓菁杜蘅靡
蕪茵陳莪蘿芄蘭茹蘆赤苋銀茄翠荇墨菰酸漿辣藟

甘薺苦荼庖人調
枌園丁拮据錡釜
蒿爍筐筥貯儲椒
橙內交齟醢效劬
以芼以湘可茹可
茹維昔尼父瓜祭
齊如飲水曲肱其
樂只且召南蘋藻
韓奕笋蒲知味美
黃鰲根歎胡葵蓼
飫顓葱韭厭徐火
芋明瓚山茵接輿
庾郎三種石生一
盂劉參玉版蘇傳
冰壺巢字元脩鮒
姓豆盧崧羔抱孫
蹲鴟將雛絲滑露
葵練淨土酥野薺
餽飮水苔脯膾餅
炊菠薐鮓釀芑蘆
胡麻饋餽罌粟醅
醐萍薺西晉蓴羹
東吳芹擷泥坊藤
采豐湖沼汜有繁

江漢有萋岡有常泉洲有接余雁門天花黃河磨姑大
宛首著太華美渠環滁野菽盤谷山茹地饒所產天茁
此徒非封是采口腹以娛落英未莎初篁未簌霜根旋
挑露葉半舒烹泉石鼎養火地爐色炫匕箸香浮杓盃
氣含土膏味逾天厨肥生華池響鳴輔車商顏饑解文
園渴甦前招麴生後引酪奴饌非羶葷餉非芑苴園無
羊踏壤有鼠餘彼哉肉食俎列黍芻心炙椎牛項鬻割
猪春羔秋麋冬鱸夏胸猩脣豹胎麋鷄蟹胥縑裙解龜

銀絲膾鱸羊尾截肪錦襖脫膚山散雉兔澤羞雁鳧北
饌潼酪南烹鼃蚶嗜鼠則鵠甘帶則蛆迺笑鄭老爛蒸
瓠齏乃笑坡翁夢餐雞蘇屬厭饕餮飽死侏儒語以疏
味能知否乎予雅嗜之日不可無乃顏茲屋羞供是須
寧疏而癯毋肉而腴易牙司味敢告膳夫

海蟾

三足老蟾太陰精夜載阿姮朝帝庭澡形不假桂花露
背負金輪浴滄溟騰騰躍起幾萬尺癡腹一團露圓白

睨目光射蛟宮寒海若天吳難遁跡腹中萬斛蚪蚪藏
吐作列緯森光芒曉驂六龍駕義馭騰踏未必輸飛黃

餞魏州判鵬舉

搜出指鑛遺其沙鄉

疑是鄉

雲褒武皆蜀秀虎豹各自雄

鬚牙兩京得人廣數路忍使丘中留子嗟不然題名百
許輩無一顯者何謂耶我亦典學老從事試向座中尋

孟嘉

古柏行

思人誰復念婆婆窟室崖陰未易磨四十圍間看溜雨
三千年後數恒河不堪與世供狙械尚許遺民占鳥窠
從此便名夫子樹匡人斤斧奈予何

到夔門呈王待制

手挈東風上水關鳳書迎日看新班五湖家世烏衣巷
三峽樓臺赤甲山畫戟門開春晝永卧龍帳穩海波間
安危大計須公等天定應知即賜環

兩宋名賢小集卷三百五十四

欽定四庫全書

兩宋名賢小集卷三百五十五

宋 陳思 編

元 陳世隆 補

石堂集

陳普字尚德閩之寧德人為恂齋韓氏門人韓出於
慶元輔氏蓋考亭的派也宋亡後三辟為本省教授
不起有石堂集

擬古

秋聲金氣流天空露瀼瀼素波合流月淫淫滿庭霜遙
夜一美人寒閨自徬徨暗塵集凌波輕颺感鳴璫天性
賦貞清動止中矩方世無夔夔子窈窕空英皇抱璞如
臨淵日入不下堂時操弄玉簫空中來鳳皇歲月如流
星髮變面欲黃服玉固雪膚絕意百兩將
秋夜永如年四壁號寒蛩明月照樹葉白露啼青桐寒
窗紮玉琴時變羽凌宮三彈不成調百憂鬱攻中

東方有樂國開闢先柏皇鸞鳳為雞鶩麒麟為犬羊晨
霞作朝食太和為酒漿土無干戈禍人各千年長下視
禹九州有土皆戰場白日虎狼行青天蛟龍翔我欲為
遠遊滄澥淼無梁何年夸娥氏移置天中央

同根一株草時命嗟異遇風月芳香合兩地隔周楚爾
生麟趾家朝夕沐玉露我在雲夢林百草相蒙妒白璧
終不緇梵梵亦良苦

和友人韵

兒童恨芳草不識春長在簾瓢日晏如馬知顏樂改黃
鶴雅入聽鶻鳩亦可罪混沌何曾死拱壁莫輕碎野馬
恣流行遊絲無罣碍緬懷良友心不言默相對願為蛩
駝交共話螻螳戴

望雲

我愛山中雲杳藹起無迹晴風吹綠樹天節日已尺悠
揚幾片雲出岫度絕壁斂作蒼狗形舒為鷗鵬翼朝抹
峨嵋青暮蘸滄海碧江南與江北蕩蕩恣所適何如雲

中仙避囂隱幽寂採藥雲下林礪劍雲上石乘雲騎茅
龍倚雲吹鐵笛我欲往從之飄然不可測

壬辰日蝕

憶昔度宗皇帝時十年十三日蝕之似道屢覲湖海曲
天子宫庭耽樂嬉滿朝翁翁皆婦人禍米照鏡方畫眉
北軍順流日食既兩國正爾爭雄雌興亡豈必皆有數
百年以來士氣衰文臣髀肉不識馬武士驚魄怕見旗

凭欄

高豁乾坤眼山晴綠雨收夕陽流水遠荒草白雲浮柳
蔭小溪側樵歌古渡頭凭虛發清嘯安得仲宣樓

德陽林梅麓太守輓章

殷士皆周祿南音獨楚冠
駸車人更怒負俎我為安義
合雍容就名應久遠看梅花真鐵石耐得許多寒

野燒

雜沓平原起電紅憑陵勢欲逼青峰
草茅不問新開甲
塾戶尤憐乍啓封何暇肩侯分玉石畧如伯益逐蛇龍

際天逸德無人問，獨倚高樓到曉鐘。

懷古

世事悠悠一轉頭，斷雲荒草古今愁。
青山北去南河隔，白日西飛東水流。
秦有金牛開劒閣，楚無熊虎割鴻溝。
多情蕭寺峰前月，幾夜蛩聲影半樓。

答友人

雲作交遊山作賓，道心為主自安貧。
柴門無鑰見同物，竹帛有名終累人。
綠水一潭澄靜性，青山萬疊裹閒身。

紛紛望拜馬蹄下不見胸中萬斛塵

贈清叟行

共君一夜話三生語正投機君又行溪柳效顰添別恨
坼花和意送離程驚時莫問歸巢燕贈別愁聞求友鶯
今夜夢中重聚首雞聲茅店已三更

秋日即事

夜牀輾轉恨明遲曉髮梳寒倚竹扉樹影紙窗風作色
蛩聲壁罅月流輝三杯綠酒窮年客滿篋紅塵隔歲衣

遙想白鷗江上路
蓼花楓葉雨霏霏

玉露金莖曉髮寒
秋風仍作去年看
蛩聲疎雨長為客
雁影殘暉獨倚闌
鐵硯窗櫺雲影淡
丹楓溪曲水痕乾
西風曾與黃花約
擬掇繁英貫酒餐

二尺書檠對影居
西風吹雪上吟鬚
雲邊月色人千里
竹裏秋聲酒一壺
客思邇來紅葉亂
雁聲南去白雲孤
李鷹自是知機者
一念尊鱸便到吳

書餘飲水枕長肱
四壁蛩聲訴不平
月色滿窗詩骨冷

露華方枕夢魂清西風歲歲長堤柳流水朝朝滄海情
紅葉山深無雁過殘砧幾處搗愁聲

遊絲閃閃挂虛檐翔集號寒華嶽尖白髮來來閒點易
烏衣歸去寂鈎簾三千客路飛楓葉四五人家賣酒帘
魚笛水寒江上晚荒叢豆葉雨纖纖

鼓瑟

滿樓明月調雲和五十絃中急雨過彩鳳拂衣鳴翠竹
素鱗鼓鬣出寒波淒涼楚客新愁斷清切湘靈舊怨多

一曲更沉人已靜江頭雲挂綠嵯峨

朱絃聲奏徹雲清有客沉吟倚柱聽遺響一時存楚曲
斷魂千載寫湘靈珠隨明月生滄海船挾風波過洞庭
絃索無言膠柱倒遙遙江上數峯青

谿莊

疇昔何來此青山與白鷗絮飛春不去潮返月頻留

野步十首

南雁數聲嘹唳西風雙鬢盤髮病葉夕陽滿樹斷雲殘

雨歸岩

瀟灑枯藤老履行行只復行行泥路野人屐迹石橋流
水琴聲

黃犢眼中荒草鷺鷥立處枯荷宦海風濤舟楫故山烟
雨松蘿

愁思冥鴻杳杳吟情敗葉紛紛歸去滿身溪雨醉眠半
枕山雲

白日長繩難繫青帘濁酒堪賒歸鶴蒼山雲際故人錦

字天涯

紅葉林風颯颯蒼苔徑雨班班人迹石邊流水樵歌鳥
外青山

流水數株殘柳西風兩岸蘆花荒草客愁遠道夕陽牛
帶歸鴉

按步緩尋幽草揚眉一望平林鳥影漁磯日暮豆花村
屋秋深

幾處漁樵石路數家雞犬柴門竈屋殘烟杳靄溪流淡

月黃昏

木葉西風古道稻花北壠新田流水美人何處夕陽荒
草連天

自哂

曾騎白鶴上揚州頭上花枝秉燭遊尊酒邇來誰是伴
白雲收盡數峯秋

鬪雞走馬醉高陽今日歸來兩鬢霜無限少年心上事
半簾豆雨語寒蛩

古樹閒雲獨抱琴
琴聲寂靜樹雲深
相如渴死文君老
辜負題橋萬里心

世事悠悠酒幾杯
晴窗把鏡獨徘徊
西風吹老梧桐樹
仍送新霜兩鬢來

寬博麻衣折角巾
疎慵不是少年身
白雲半枕山中午
猶夢乘槎去問津

邵武泰寧途間一路海棠

萬騎連接出襄國
諸姨撩亂上驪山
道人不識紅粧面

何事扶筇過此山

歸鳥

紫山青嶂盡如家
負日衝烟復帶霞
今古乾坤秋一幅
幾番歸鳥與棲鴉

七夕

但把凡身小品論
寧須扣額問星辰
女郎戀別淚如雨
遑把金針度與人

四皓

長樂卮前露雪眉
岩花亂笑出山時
有人拍手瓜田裏
來往青門總不知

李廣李陵

茂陵無奈太倉陳
槐里家傳本助秦
萬落千村荆杞滿
隴西桃李亦成薪

賈生

落日長沙被鵬驚
愁來強把死生輕
洛陽才子多流涕
太息沾襟過一生

武帝

商車不足算絳來桑孔咸陽悲茂才一撮茂陵無覓處
建章門戶至今開

幾多愛子出蕭關山積

缺

沙骨未還好把望思臺上淚

隨風北去灑陰山

五十餘年四海波建元三載盡征和中央寸土纔無血
沃日澆天瓢子河

荀彧

亂離揀得一枝棲得道爭知却是迷曹操若逢諸葛亮
暮年當作漢征西

河濟泰山猶是漢匆匆把作賊關中久知天下無劉氏
不料人間有孔融

北地王諶

何物譙周口似簧幾年漢帝手牽羊紛紛蜀土祀諸葛
香火曾分北地王

晉武帝

杳杳羊車轉掖庭夕陽亭上北風腥紛紛羔羯趨河洛
為見深宮竹葉青

梁武帝

戒捨工夫老未圓百雙雞子送殘年一生般若成何事
贏得江頭載荻船

以詩就葉洞春求畫蒲萄

洞春豪傑士妙筆出瑰奇寫就大宛根可怪不可披此
畫豈易得此手難再攜敢將有聲畫博君無聲詩

贈葉洞春畫蒲萄

引蔓牽藤寸管頭探驪別蚌出風流三千龍女拋珠佩
一箇儒生擁碧油莫是前生封即墨便堪作酒博涼州
齊奴倘會清妍意免得紅裙逐翠樓

兩宋名賢小集卷三百五十五

欽定四庫全書

兩宋名賢小集卷三百五十六

宋 陳思 編

元 陳世隆 補

古遺小集

韓性同字伯循別號古遺與陳石堂同里而及其門

入元不仕

岳王墓

妖星墮地芒角赤龍劍悲吼風蕭瑟中原王氣挽不回
將軍一死鴻毛擲秦家小兒真戲劇播弄造化搖樞極
指讐為親忠且逆隻手上遮天眼碧九重茫茫隔天日
無由下燭臣愚直臣愚萬死不足惜國恥未湔猶憤激
古墳埋冤血空漑西風年年土花蝕我恐精忠埋不得
白日英魂土中泣請將衰骨斲苔痕獻作吾皇補天石

翠屏霽雪

寒林靜對展翠屏六花粧點風景清四山簇簇瓊瑤樹

恍然照映芝蘭庭寒生晴光色爍爍含輝照耀銀海明
巉岩石化崑山玉負暄猿猴出深谷可憐不老山白頭
梅萼藏春暗香馥紫陽留識歌翠寒中有玉人在其間
道傳前聖發未發教開來學難亦難豁然胸次冰雪釋
白照紅日上團團

蓬萊飛峯

海上神山名自昔來去隨潮無定迹天人俯覽念虛浮
六鰲頂戴窮神力羣仙貝闕蕊珠宮多種瑤芝瓊草碧

依然根著不堅牢飛入石堂作南壁螺紋螭迹石龍存
雲氣隨潮時雨濕仙風颭爽生羽翰招納霓裳羽衣客
試登絕頂望五湖高樓洞天纔咫尺藥爐灰冷多登真
九轉丹成人未識雲間鶴迹託來篇王鄧真人久相憶

碁盤仙迹

唐山絕頂碁盤石戲局流傳名自昔殷勤細問白髮翁
云是仙人曾對奕苔封石磴不敢移竹引清風時拂拭
箇中黑白子不留想是仙童為收拾又不聞樵採之人

王子質邂逅仙人執手談羸輸未決藏機密貪看柯爛
不知時少憩山中方七日誰識囊中日月長歸來塵世
無相識

雙柱擎天

白鶴岩窈枕江曲接岫連峰衍林麓石堂峻峭萬山雄
擁翠亭亭多喬木雙撐石柱峙東南勢力擎天名不俗
鍾英特產棟梁材不墜簷纓美如玉左接蓬萊右洞天
峰前水帶縈九曲依然幻出武陵源擬就峰傍新卜築

鶴歸錯認華表存應笑世人枉追逐

兩宋名賢小集卷三百五十六

欽定四庫全書

兩宋名賢小集卷三百五十七

宋 陳思 編

元 陳世隆 補

王楮詩稿

岳珂字肅之號倦翁彰德人霖子紹熙壬子甫十齡
隨父帥廣開禧初為鎮江饗幕吏乙丑試南宮不
售歸官下與劉過辛棄疾相善時有北伐之役奉檄

不獲辭遂浮漕河而北塗中所作詩題曰北征嘉定
丁卯除守攜李庚午召還中都尋坐誣去官嘉熙初
特詔有為卿直前枉之語除戶部總饗歷寶謨閣直
學士提舉太平興國宮以恩封鄴侯王楮詩稿八卷
自嘉熙戊戌至庚子凡三周歲所作手編而自序之
後移家攜李金陀坊痛其祖武穆為秦檜所陷作籲
天辯誣諸書總名金陀粹編

五年不治筆硯奉詔起家是日始草辭免奏旋假

書吏于郡題寫皆生疎又堂帖趣行三日戒塗偶
成二首

五年尺牘不戕天一日除書到枕邊感欲宣心筆無語
恩慙糊口鼎餘饘說驂尚恐傳音誤書馬還思習札便
燭炮燒殘人未寢却輸鈴下愜安眠

露封謄奏曉鳴鈴當御應關乙夜呈京兆有裝隨使者
陳留無酒憶厨兵故營將鉞談家世老吏公車識姓名
塵事看看到書尺更驚三日有王程

予控免不獲命恭讀詔書聖訓有朕王欲為卿直
前枉之語感激思奮始決小草之謀

平生一寸心不為世塗折平生七尺軀擬慕志士烈吾
門古喬木每抱歲寒節三世秉一心炯炯常不滅雖如
卞獻玉自比來嚼鐵閉門著辨誣其事已合轍及逢明
聖知所遇皆負絕隆興錄舊李一誣出奎札嘉熙今詔
書復以枉為說人生貴知心萬事等一呖矧以萬古光
下比覆盆揭憶昔賈誼謫同舟忽吳越關弓比射羿舍

鏃不虛發仍是同功家以泰反得噤靜思誣與枉二字
謹區別兩朝寓至鑑四海仰日月蕩誣貴昭昭錯枉豈
子子此恩無以報蛇雀况微物匪石心可轉襍被計當
決塵匣開青萍何時釁妖血

予以謬作數種并總所奏藁遺參贊高紫微聞已
閱讀未及賜報平日正病無人為過目者茲不特
餉所有別白半生漫浪筆研間為不虛矣因贈二
首

夜半軍書尚掣鈴想應敲枕夢難成新涼頗復欺長夜
舊事何妨閱短檠人說文衡真有託公于詩卷若為評
武襄遺跡今如許試考當時六萬兵

涉筆牛腰倦不支餘工那復到新詩殷雷秧綠又期月
指日棗紅能幾時自古兵財無上策于今社稷寄西陲
入郢及國均危道勿謂君侯不敢知

拙婦吟

西風策策黃葉舞茅簷三尺鳴秋雨東家拙婦攤面皸

彊別孤燈訴愁寔當年採桑陌上歸嬉遊不管春蠶饑
千絲萬縷繭白雪便學紅女攀花枝十七十八事機織
暗鎖青閨人不識二十三十幽恨長盧家古梁玉為堂
四五十已老大唧唧鳴蛩欺獨卧尚隨姑嫂作笑嗔
一生苦樂由他人君不見昨朝縣吏踏門闌機軸已空
盆盎竭雞豚指柵索飲壺掀釜叫嗔嗤婦拙起來迎門
陪笑面不似嬌羞怕人見今年歲事苦不登且為當家
聊一展吏囂不肯怒且訶大兒門東窺飯糲藁砧走藏

欽定四庫全書

兩宋名賢小集
卷三百五十七

四

姑諛罵造疑無麵知如何感金芙蓉戲雙鴛繡牀一倚
曾萬錢低頭長歎祇自憐昔者何巧今不然吏呼已倦
里正醉技淚背人還滌器明朝欲酒姑勿譁正恐突隳
驚阿家

春波堂小飲懷棠湖舊隱三首

平生到處西湖長眼底波光日日新圖在輞川非舊隱
夢回笠澤是前身一江細雨敲青菊萬里雄風起白蘋
獨立蒼茫動歸興釣磯須理未垂綸

炎暑今年特起奇不妨湖上訪清漪
長堤步屨誰堪擬
高閣憑欄我總宜
喚客黃鸝穿柳度
猜人白鳥映荷窺
衰翁病骨難禁熱
且倩西風自在吹

虛欄四面挹湖光
最愛薰風六月涼
萬朵芙蓉紅影鬧
兩行楊柳綠絲長
鋪陳雪月晶明態
商略陰晴濃淡粧
四序清游總如此
春波何必獨名堂

餞孟運判寺簿赴京三首

溫純如玉絕纖瑕
驚坐何人指孟嘉
策馬殷軍勞不伐

欽定四庫全書

兩宋名賢小集
卷三百五十七

五

舍魚取義理無差讀碑襄水真為谷守壘房陵忍顧家
鄉國不妨動歸興天津八月却隨楂

詔書夜下日華門輦路爭看使者軒烽火三邊尚勦敵
煙塵萬里欠公言不須目睫憂多壘好吐胸懷悟至尊
富貴功名分中有勿令仗馬愧廷鵷

半生共飲西江水草木由來臭味同交臂便同鴻雁社
論心不隔馬牛風君方鳴佩趨雙闕我自燒車送五窮
景倩仙塵凝望處為言驛騎莫匆匆

九江霜蟹比他處黑膏凝溢名冠食譜久擬遺高
熱微而家僮後期未至以詩道意

君不見東來海蟹誇江陰肌如白玉黃如金又不見西
來湖蟹到沔鄂玉軟金流不堪斫九江九月秋風高霜
前突兀贍兩螯昆吾欲割不受刀頗有萇碧流玄膏平
生尊前厭此味更看匡廬拂空翠今年此曹殊未來使
我對酒空悠哉舊傳騷人鍊奇句無懈無山兩孤負
廬山孤負目不喫螃
蟹孤負腹昔人句也老來政欠兩眼青那復前籌虛借

箸祇今鄉國已駿奔軍將日高應打門流涎便作麴車
夢半席又擬鍾山分先生家住岷峨脚屢放清游仍大
爵襟期盡醉何日同試筮太玄呼郭索

餞高紫微視師黃岡

秋風九月邊城高千艘夜下宮錦袍文章不特動蠻貊
要識金版開六弢孫曹已矣等陳迹喚起坡仙同赤壁
喧闐笳鼓動地歸重把功名光采石

後元祐行上辨章喬益公

正月二日天氣清六符兩兩三階平閣門催班報麻案
珂馬玲瓏萬人看押麻參政拆璽封宣詞舍人來殿東
鞠躬一聲百寮聽軍國平章喬益公天心果與人心同
大哉聖斷天與通本朝太平說元祐五嶽三光渾未剖
當年一日三制頒呂范堂堂分左右處中大老更魁傑
中國勲名比韓富民生是時非漢唐親見至治躋義皇
一塵不起四裔服軌順星躔蕃五穀士皆有造百姓寧
官僚徹底清似冰析楊畢空戈革偃天街鏡淨無欒槍

彼何人斯階啓厲九縣回飈八紘沸高皇匹馬開東南
王業中興今五世窮荒韎韐何自來中原萬里吹黃埃
數殫剝復回否泰胚臍元氣鍾奇才耆朋壽雋軼千古
呂望鷹揚稱尚父便教旦奭居東西穆穆迓衡今再覩
官家即日開天章貂冠玉佩游巖廊一都一俞一吁咈
四海春風已披拂聖賢自昔難相逢巨魚縱壑鴻遇風
與人歡呼爭誦說元祐嘉熙莫分別君不見徂徠處士
歌一夔濃墨大字慶厯詩生民至今受其賜千載萬載

生光輝陋儒筆硯久不治安得椽筆摹英辭兩朝慶祐
俱盛時衆賢一念猶西陲天心願化光明燭先望分輝
照荆蜀

至鄂暮年以饒事不給于時己亥夏五廿有八日
始解維雪錦夜宿興唐寺繁星滿天四鼓遂行日
初上已抵許黃洲幾百里矣午後南風薄岸舟屹
下不能移延緣葭葦間至莫不得去始作紀事十
解呈舊幕諸公

雪錦亭前水接天晚波如縠放歸船新詩開務從今日
此是江行第一篇

離歌已盡沙頭玉夕照初翻浪底金自是晴鷗無六月
半江雪片湧波心

蕭蕭衰髮倚西風兩岸青山盡識儂東去西來緣底事
祇應添得一龍鍾

一江漲碧碧於藍健櫓鳴鵝舳正銜纜是過都空萬馬
又驚倚岸閱千帆

宵聲傳柝重城閉曉漏迷鐘古寺荒
仰看繁星垂四野
不知身世受炎涼

一瓶一錫一團蒲到得今年一物無
桑下忽興三宿念
古人不食武昌魚

葭葦延緣舞翠旌白頭吹浪又相迎
攀轅亦作留行計
莫道馮夷不世情

昌黎久願列三王
我亦曾親翰墨香
惜別依依重回首
棠磯風月更思量

赤壁江頭白羽揮
鰕肥西塞酒同攜
歸期應在初弦月
家住康山西復西

人生邂逅適相懽
一曲高歌行路難
頻寄詩筒君勿厭
種花持釣是閒官

夜過壽昌

風雲八字護城隅
樓殿崔嵬想帝居
曾侍金魚惟石馬
幸因玉璽記銅魚
千年鼓角聲猶壯
四塞河山恨未祛
糜鹿已游人事改
何人曾讀輔吳書

望樊口懷陶士行溫太真二首

昔年老子恨婆婆未付其如印傳何
吳苑關心春日少
湘江回首暮雲多
可無司馬親封鑰
自是將軍老枕戈
我亦新來了官事正輸一舸弄煙波

太真行酒知何地
渺莽遺基茂草深
聲色加人何足計
精神滿腹不同斟
六奇自可掀三狡
一正何妨讐百壬
墮憤吐茵均此轍
可憐枉用世儀心

三江口過舟時方四鼓

權觸收金柅
蟲醉玉釭地
鄰今七澤名
襲古三江岷
漾雖分派荆
揚却異邦
晨光猶未發
早識白鷗雙

赤壁

周郎二十四年少
蓋世功名隨一燎
親提三萬走曹瞞
不以敵勁恨兵少
豫州失匕已膽折
一日目明驚二妙
最憐黃蓋不知名
吏士相從倚營嘯
阿奴火攻本無策
破竹自繇人不料
貪降納侮理固宜
泥淖華容幾盡勒
古來行師有絕地
毋乃重貽千古笑
鏃湛縱是差可認

鼎峙詎關謀所召二喬春鎖何足言從此天光遂分耀
我聞漢賊久染指奮毒鏑搖牙噬江表八荒囊括豈復遺
一威吳宮已為沼當時乘勝下部騎考地當居楚南徼
蒙衝逆鬪須上流揖寇那容越津要武昌霸基跬步耳
肯使國畿紛戟旄坡仙訪古時寓意橫梁雄姿誰與弔
故將異地眩疑辭政恐因訛啓譏誚滄浪六月捲晴雪
歷歷江山人物眇崩空亂石今幾存彷彿棲巢尚驚鳥
夜深刁斗聲四發星斗滿空羣籟悄便須喚起紫綺裘

孤鶴南天楚江曉

後江行十絕

日日征帆上水風
掀天雪浪駭魚龍
不須檢校江行歷
知過雲山第幾重

遠邨煙暝牛羊下
近岸波澄鷗鷺閒
一抹斜陽江似鏡
天移小景向人間

指點神鷗送客檣
江山回首鬱蒼蒼
吳朝千載興亡地
極目長淮恨更長

擁騎年時憶往來舊時行處半莓苔山靈勒駕應頻笑
又是江南勾當回

夕春正是隅前谿江路行人猶未歸我笑卧龍成底事
晨光儘欠踏熹微

叫著漁郎急掉頭一聲別浦聽蓮謳山遙水遠應同趣
我亦青帘問酒樓

湓城已近見匡廬風月煙雲自卷舒白鳥歸來閒似我
向山深處認巢居

官牌夾外少人煙商婦琵琶久斷弦司馬青衫不須泣
江鷗對我正忻然

西望沙津東秣陵湓江中道是歸程柳陰繫纜人歸後
頻有黃鸝三四聲

人生最好是歸來六月火雲溶雪醅散髮晞風須一醉
月明攜簞又涼臺

初還故居

元是廬山莫逆交官亭西畔著衡茅盟鷗似怯經新浪

怨鶴還知宿故巢一沼種蓮衣可製萬竿脫籜杖輕敲
不須海若迫然笑乞與杯堂樂芥坵

集喜二首

鵲噪庭前木蛛翻簷畔圍雙蓮瑞明月萬柳舞晴暉宿
鶴迎風袂盟鷗認雪衣物情同一喜應為主人歸

水面開新皺山容散宿顰松巢損已識花徑鹿初馴雲
倦隨歸鳥風清似故人逢迎真不暇誰作近前嗔

歸自鄂雙蓮生於後池偶作再寄紫微

歸然匡廬山獨秀蓮花峰派為瀘溪源下有愛蓮翁絕
學嗣洙泗千載同清風書堂二池間浮翠籠輕紅居然
不染塵湧出清冷中雪藕厲堅節一念室以通朝卷而
莫舒吸之碧玉甬潔凝月露潤妖鄙桃李穠食子味崖
蜜擘房透香薰蓀蒲儼不羣魚鳶間相從大哉君子操
視此提其躬我方賦歸來策溪上筇家池忽驚見暗
霞照秋空已迎顥氣激況復嘉瑞逢雙葩本共根殊質
疑並鍾摘奇且熟玩比德思廣充嘗聞古之人即物皆

至公兩岐美報上同穎還居東雙旂賦長卿奇木對終
童善推仁義端脗合造化工後代煽淫靡世見了不同
聯芳天泉池合歡華清宮駢花耀鯉湖十丈開華潼徒
能資喪志誰與思念功嗟余困疾藜坐此五技窮茲瑞
何自來儆戒如倥侗孤直常易摧初戒先協恭競妍必
競妒次戒毋苟容美祥不可恃又以戒其終恭惟天地
心常比藥石攻名理倘未渝再拜師正蒙

太行道

太行羊腸坂九折雲黑風乾尺深雪堇泥道滑木葉寒
轆轤車聲行復歇華山有馬久脫轅歸來牧野經幾年
一從倉箱事居積聊以知道煩長鞭前車已覆覆道左
天井關頭夜明火後車趨駕開井陘唱籌仍復催連營
關山青州春二月單軌一冬曾結轍髻頽毛落雙膊高
引領皮穿眼流血去年搏手雙拳空今年三月甬道同
可憐駑力不敢惜轅下亦覺鹽車通君恩天大示弗服
桃野已甘偕齏齏感恩伏檻飽秣芻猶為太行憂後車

長門怨

驚風不成雨行雲去無蹤妾生三十年著籍長門宮
宮車轆轤春雷曉明星初熒綠雲擾增成丙舍爭迎鑾惟
有長門閉花鳥黃門開玉匙書史圖蛾眉金鋪振瓊鑰
玉秀生銅池朝陽纔回金屋在轉盼不堪人事改入宮
已作鄭袖號出塞那知延壽賣花殘鳥語頻長門春復
春花鳥已驚老況復門內人東風動地夜來惡萬翠千
紅繞簾幙當熊自有匪石心肯顧班姬秋扇薄長門勿

輕怨視此篋中扇白華兮綠衣自古兮有之

兩宋名賢小集卷三百五十七

欽定四庫全書

兩宋名賢小集卷三百五十八

宋 陳思 編

元 陳世隆 補

玉楮詩藁

岳珂

夜觀象奕

青燈相對夜初闌
適意棋枰伴我閒
天馬輜車金象國

虎龍縞鞵寶臺山進趨自可覘成敗倖勝何常不往還
一著未容回逐勢不妨袖手酒杯間

唐世有刺郡江表者時宰囑以新塗出筆令製以
寄刺史始至召佳手一老父應命百日纔得二管
馳貢相府既訝其遲又薄其鮮試之乃絕不堪大
怒曰數千里乃寄兩管惡筆來刺史聞之懼欲置
老父于罪老父訴曰使君毋草草我所製乃歐褚
所用丐先示以相君翰墨容再製苟不稱甘鼎鑊

遂示之笑曰如此只消三十錢筆不日獻五十管
再使至長安相一試大喜復書乃優賜匠者夜窗
偶試昆陵張顥筆戲為之賦

世間未必無臯夔九疑虞舜不可追武皇銳意開絕漠
摧鋒乃亦有衛霍嗟哉格物本一理顧人所用何如耳
筆工在苜本市傭東毫傳筦求售同誰云進技不進道
意匠輒與歐褚通虔州刺史覓佳筆雙管何堪須百日
星馳一騎到長安試手鳳池隨棄擲老奴恂慄丞相嗔

能用此筆能幾人願窺翰墨減工製必使揮毫誇入神
斗柄春回開電笑素籥果符人所料中山聚族儻未殫
束帛那容及年少是知人才用舍識別惟一心臯夔衛
霍無古今妍媸能否俱在上所使此筆區區正其比我
生識字僅一丁眼前所見徒毘陵未知當年新塗定何
若正恐鍾衛二王無合作君不見此老一去知幾年當
時鑒裁無復傳紛紛鷺毛抱筍賣恰費書傭三十錢

葡萄

當年博望奏邊功異種曾攜首
菑同摘乳那煩桐馬令
引鬚聊愜好龍公頗憐漢地離宮在
未許涼州酒甕空
回紇祇今重餒肉清陰彌望滿關中

荷花盛開以病旬餘不至亭上偶成二唐律

病襟慵策杖天鏡恰開奩青蓋迷前浦
紅粧開曲櫺藻
窺知鷺下萍破識魚潛會看吳公陣
官蛙奏曉嚴

好在中孚澤猶橫未濟舟擲金隨柳舞
跳玉趁蓮謳掃
榻方思士鈎簾也覓侯病夫均一笑
此意本無求

予歸未省松楸將以初秋望前汎湖之龍門已戒
舟艦而連夕雨作不見月因賦天問二章

擬放平湖月下船櫂歌中夕發長川蘋風好為雲開幕
蘭漿不妨人扣舷猿鶴候迎將曉日魚龍悲嘯未晴天
玉川塌額金沙上閭闔封詞漫一牋

小心風伯紫宮回眼看銀蟾海上來玄豹又成漫谷霧
斷虹又作隱山雷便教雨積三時害未信晴無一日開
待試平生補天手為君明鏡再安臺

秋夜有感二首

早歲驪車擁漢關憂心耿耿日凋顏
秋成正望狼烽急夜枕不禁魚目鰥
三仕古猶關喜愠萬金今不博安閒
回思此日一尊酒只合長居木雁間

從來難辨是幾微談者雖多覺者希
小隙便須防蟻穴大寒何必泣牛衣
無妨掣肘方成事不早抽頭即禍機
莫道不才明主棄也曾撓領觸天威

讀劉琨傳

古來萬事無真實賴有區區史筆存士雅聞鷄偶同被
至今起舞說劉琨

送喬江州將漕江右二首

獵獵英聲世少雙兩年鄉國望麾幢才猷牛繁硯初試
筆力龍文鼎獨扛風節又新唐十道恩波仍決禹三江
澄清何事先經濟尚使尊賢志未降

昔日東州看陣圖武昌陸續拜魚書我歸舊齒邦人版
公去新乘使者車但願世官居鼎鼎從教野老自犁鋤

西風鴻雁方遵渚時有音塵接里廬

次韻喬江州琵琶亭詩二首

共生壬子兩仙翁不為離情惜斷蓬
鐵撥鷗絃遺響在繡衣龍節賞音同
穆曹技埒名俱勝唐宋詩傳句並工
擊節銀篴定誰是茫茫江月思何窮

一葉西歸老倦翁高樓突兀記推蓬
景隨湓浦江山改人與香山歲月同
異世剖符傳事比出門合轍見詩工
我來君去如鴻雁休歎長安目力窮

得陳元履家書六言四首

病骨經秋易怯人情比日多疎驚起打門軍將傳來置
驛家書

老病兩無世用謀謨百不如人喜見東牀論事誰言下
榻生塵

安問經時落落邊聲鎮日搖搖寄賀塞翁馬失決疑天
老龜焦

窺戶幾回鵲喜繞家一夜蛩吟痛飲正須似舊安居且

願如今

紫薇花

凡卉同資造化工
紫薇元不待東風
明霞絢爛瓊為藥
曉日離披綺作叢
塵境斷無青瑣隔
仙姿元與赤城通
最憐耐久堪承露
誰道花無百日紅

閒居六詠

早起

五夜玉繩轉雙轡
金井寒背人蚊作市
欺夢蝨鳴官竹

徑風初度松梢月尚圓
踞龜猶汗漫何許覓乘鸞

午睡

東日平明際北窗高卧時
五經方坦腹百慮且伸眉
蕉覆從疑鹿槐安更獵龜
覺來還一莞七椀玉川詩

晝間

用闕無用地才與不才
問萬法因心起幾人如我閒
牀頭看黃卷屋外儘青山
隱几適然笑何人戰觸蠻

晡飲

閒居欣少事燕坐覺無營炎暑鑒天陣驅除仗酒兵勿
嫌晡日杲自有晚風清堪笑竹中飲終成七子名

晚步

抱病遊從少居閒醉醒頻心懷喜無事脚力尚隨人野
徑經行地園亭自在身不妨歸步晚長趁月華新

夜坐

一窗涼漫月四壁總聞雷銅漏水成滴金爐香未灰徘徊
聽蛩遠熠燿逐人來看劒挑燈久譙城角引梅

賀高中書兼崇政殿說書三首

宏議通三府高名動四聰
鳳池仍舊渥虎觀冊新功
盡日槐方翠秋風衆已紅
直須先抗議莫待入雲中

日月熙明地風雲際會辰
紫宮瞻象逼丹宸喜情親
遜志賢謨在仔肩聖德新耕莘
須負鼎從此學而臣

邇聰咨夕訪清問切辰猷
博學今中壘遐征古上游
齒寒當預計身履即良籌
頗牧豈云遠隱憂其有瘳

張孝顯晨訪懋忠堂因拉陳升可王困道同飲徑

醉卧小閣醒則晡矣戲呈諸公

凌晨有客來款門
盥櫛下榻呼冠巾
怪生鵲喜繞庭樹
迎客不但填河津
清尊湛湛開北牖
頤指市奴馭奔走
烹鮮煮餅羅朝槃
苾蒭闌干豈無有一
杯兩杯叱先驅
羣羊入夢撞甕菹
三杯四杯舌底滑
闔座牢辭輒投轄
共言卯飲夕不同
能使終日長冬烘
一朝便廢一日事
除却投牀百無技
老夫笑倒絕冠纓
人生無日無經營
經營至竟有底成
謹閱此古君勿評
直復大噉五六七

不醉不扶母返室高眠一枕醉復醒莫管今朝更明日
吳季謙侍郎送家釀香泉絕無灰得未曾有戲成

報章

義豐愛酒憎官壺日長忍渴呼酪奴自言畏灰如畏虎
有酒不向官坊酤當家香泉世無比米潔麴甘醇且美
釀時不着一點灰滿酌寒泉挹清泚小槽滴瀝竹筴承
冰渠夜澣真珠明一泓澄澈玉無底滿瓮盎盎春風生
釀成不肯飲俗客澆著柴桑舊時宅共此千年醉眠石

更將餘瀝走馬軍來注吾家老瓦盆許我自飲不許分
老境宦遊環軌轍官酒徧嘗隨地別何曾見灰能作孽
飢來一腹大于蟬鯨吞自覺吸百川是灰是酒俱不辨
豈問他州并異縣今夕何夕翻露漿和壺一洗灰土腸
君不見柴桑于酒特寓意相逢不擇賤與貴要是醇醪
均一致汝陽後來帝家子路逢麴車不知味流涎正復
何所謂貧為田舍富天宗遇酒隨飲莫適從豈如仙家
居義豐無懷自與造化通彼燧人氏初何功酬君三語

將無同同不同君信否黃花飄香石耐久明日山行且
攜酒

珊瑚

銅柯凝異質鐵網墜層淵海霧夜涵潤山霞朝欲然綠
鬢尚敲枕烏帽稱鳴鞭勿為毛錐子日興靡萬錢

無題

秋水芙蓉試早粧半軒微雨灑鴛鴦細腰正欠酬金餅
奮翼何堪却玉梁鬢亂釵橫人在牖繩低斗轉月侵牀

無情花影雲來去却做一天風露涼

饅頭

幾年太學飽諸儒餘技猶傳筍蕨厨公子彭生紅縷肉
將軍鐵杖白蓮膚芳馨正可資椒實麓澤何妨比瓠壺
老去齒牙辜大嚼流涎聊合慰饒奴

小墅桂花盛開與客醉樹下因賦二律

舊遊曾賦小山篇浪蕊浮葩總遜妍金粟同瞻黃面老
玉枝爭擁碧霞仙化身瑞相已百億匝地香風更大千

無量眼前金世界倦翁又結醉中緣

黃金湧出碧檀欒消得充庭舞廣寒露蕊移將天上種
雲階借與月中看扶疎清影立黃鵠匝匝滿庭翔翠鸞
吹徹玉笙正涼透香風萬斛夜漫漫

雨中觀廬山

雨裏觀山負不同何須九疊看屏風紫觚壇上排蒼壁
青步障邊鋪翠茸谷錦未迴晴日照衣綃聊借淡烟籠
祇今萬木添紅纈更倩清霜染曉楓

半生每負看山眼
此日真成帶雨遊
敬枕有無疑欲莫
成峰橫側總宜秋
耳喧似厭泉鳴咽
腰繫不妨雲去留
明日新晴馬蹄放
直須三峽看龍湫

約吳季謙山行書來問期戲答

連朝積雨快新晴
雨後青山眼倍明
大路岳蓮聊繫馬
西園池柳正啼鶯
已拚一醉從金諾
共聽層淵噴玉聲
月裏看山儘清絕
可憐偏照國西營

邵伯溫聞見錄載范忠宣帥慶陽時總管种詒無

故訟于朝上遣御史按治詰停任公亦罷帥至公
為樞密副使詰尚停任復薦為永興軍路鈐轄又
薦知隰州公每自咎曰先人與种氏上世有契義
某不肖為其子孫所訟寧論事之曲直哉予在山
中讀書偶見此書而表

君不見孔融昔日見李膺百世尚以通家稱又不見孔
融後來薦鴻豫卵翼方成北行路北海平生開酒尊未
應賓客皆若人儻令同德更比義華胄肯以遙遙論世

間麟鳳雜臬虺人事會逢總如此高平丞相本大賢尺
壁那容寸瑕指一朝契家青澗种轉頭不記龍圖公蠅
鳴亂聲蠅點素丞相襟量滄海同歸來端委廟堂上一
青不捐三世將自言曲直何必言愧死老奴作何樣吁
嗟此輩何代無高平堂堂真丈夫邵家聞見訂千古寂
寞澗城墳上土

己亥八月廿一日除書予拜太平興國宮祠官呈
趙季茂

世間何物最是閒司諫拂衣歸華山倦來忘記省不得
依約此語祥符間終南捷徑本自錯老子新司紫元鑰
官家催我作閒人有酒醉呼端不惡歲糜廩粟月俸錢
秦鶴有料芝有田人生何必待有用我老得此寧非天
君不見當年把臂龍圖上司諫放歸元不放又不見倦
翁山行醉復醒說着拂衣今亦忘

去聲


奉寄何正父總幹

經旬習懶慣山居不寫城間一字書把菊見山新趣倦

汎蓮依水舊交疎無心是處友麋鹿有客寄誰烹鯉魚
見說近來軍食足不妨詩卷訪犁鋤

設醮太平宮竣事呈偕行諸君

九光影裏步虛聲午夜封章叩紫廷雲路鳴琚傳奏簡
天街擲火度流螢沈沈玉漏傳三鼓爚爚銀河燦萬星
仙仗煙霄正凝想曉光浮動遠山青



兩宋名賢小集卷三百五十八

欽定四庫全書

集部

兩宋名賢小集卷三百

五十九至
六十五

詳校官中書臣閔思毅

助教臣常循覆勘

總校官編修臣王燕緒

校對官助教臣汪錫魁

謄錄監生臣朱恩

欽定四庫全書

兩宋名賢小集卷三十五十九

宋 陳思 編

元 陳世隆 補

玉楮詩藁

岳刊

山中奉寄通判楊宗博二首

多病山中客無人傍酒罇與後分椽子為鹿長禾孫白

畫雲歸屋黃昏雨打門忽懷楊司馬烟靄隔重閣
步聲斗堪摘登樓雲與齊未應隨日涉猶欠樂天題舊
覽開青眼新編寫赫疏便須聯和軸寄我小山西

酬趙季茂遺餉松實鰻鯊柔魚

掀天吹浪九夷東維錯分珍意倍濃越井戲沙形酷似
秦囊遺箕墨猶封色欺金嫩三江鯊實比瓊酥十丈松
珍重故人勞問遺為言耕壠正勤農

次韻趙季茂寄詩

蒹葭道阻長人在水中央鴻筆寫秋思驪珠比夜光律
嚴詩格壯鈐廣置郵忙鉅軸注銀水欲題無漢陽

九月十三日始就郊墅拜寶謨閣直學士提舉江
州太平興國宮之命

槐影西清舞翠鸞竹宮高接五雲環職陪溫洛圖書地
名在元封卜祝間畫訪未承龍閣問晨香猶廁羽衣班
祠官到處無公事且聽松聲老此山

茶花盛放滿山

花容纈粟露冰膚消得脂韋酪作奴葉底綻葩黃映玉
枝間著子碧垂珠潔躬淡薄隱君子苦口森嚴大丈夫
便合味言歸雋永移根禁籞比青蒲

九月十四日夜月明如晝敬想合宮竣事志喜而作
纖塵不動月流空雲繞崑崙想合宮蟬冕侍祠三事列
鷄竿肆赦九州同裁儀丙巳尊容典肇祀庚寅識聖功
田野老臣察天意夜深頻起候西風

將游太平宮小詩呈趙季茂

聖治峰前松檜寒舊遊重此解歸鞍着身泉石無心客
主掌雲山正額官老去雲居居紫府新來雜壓壓黃冠
門東曾有劉仙洞剝蘚攜筇試扣看

螃蟹

無腸公子郭索君橫行湖海劒戟犀紫髯綠殼琥珀髓
以不負腹誇將軍酒船拍浮老子慣咀嚼兩螯仍把玩
廬山對此眼倍青願從公子醉復醒

聞畫眉鳥聲戲作

木杪幽禽巧語新何時曾記得名因樣傳京兆成雙嫵
人指漁陽開小顰儘稱如簧啼白晝未須對鏡學青春
山中有叟答無語短褐龐眉更笑人

太平宮遇雨

山居五旬晴山行一日雨太平咫尺間千里隔跬步黃
泥深三尺風聲更號怒誰語逋客知山靈儻留汝

趙季茂有詩來適山間斲池得筍因以遺之併賡韻

籬菊初黃楓葉丹蒼筠共此屋三間拂天未帶山雲白

斷地已凝湘，暈斑玉版有時堪。咀嚼石欄何日共躋攀。
山家聊送清班兆，且為屏星識九關。

徐清菴值雨二首

積雨將旬浹，都無一日晴。簷寒多雀噪，路滑少人行。雲
氣連山暗，霜威徹骨清。更憐鼓枕處，終夕聽泉聲。

松竹鏤靈宅，塵埃了不清。洞龍隨劍呖，檻鶴識琴心。路
指三峰近，山通一徑深。壁間少年字，陳迹不堪尋。

予老病倦煩入山，兩月頗得靜中趣。良月六日趙

仲南端明朱子明戶部曾編摩忽皆專介王因衛
諸人亦來而東老姪自石門至閣阜劉道士又以
詩卷為贄戲成

鼓鐘不合嚮鷄鷄人事何因到野廬玉節金臺新貴字
寶章琰刻故交書葛冠道士重溫卷芝砌郎君亦下車
忽憶蘇州風雨夕空山落葉昔何如

山居作報書竟夜有感戲成

山居踰五旬正以厭煩故誰持故人書剝啄扣我戶盍

篚旅庭砌餅壘列廊廡啓絨讀風簷盈幅字如縷頗欲
從簡易人事正如許厚意來遠方殷勤不容阻遙欲混
俗塵又覺初志誤筆研久荒穢肩腕仍旅拒沈沈青燈
夜牕牖打風雨聊激懶惰心小出吟嚙語霜髭比鉛觚
玉蟲剔釵股隄靡方弄墨擘繭更伸楮始焉據几案敏
捷疑得趣爾懷交情恍忽接良晤絨題甫一二手熟
漸四五溪毛簡精粗報祝視豐窶札胥謹印蠟僕隸治
筐筥但知役羣動不覺向五鼓作勞耳屢鳴倦寫目如

督低頭觸屏風入鼻飲辛霧欠伸忽三喟靜念起百慮
吾生何太勞窮處尚弗恕仕皆係窮達世豈忘喜怒人
以情見憐我獨影相顧謙勤福所基傲放人共惡當年
衆楚咻詎止雙蛾妬生雖有遠志我豈惜遐舉偶因囿
形質莫與插翎羽徒誇九垓期姑了一夕苦嗟哉且努
力掣肘無單父

十一月十五日忽苦舌瘍甚不能飲食憊卧一榻

戲成

君不見東坡昔步虎溪月夜聽溪聲廣長舌溪聲不斷
流不枯此段磊落真丈夫一生吾伊換喑鳴嗟哉三寸
予豈無公子縉紳陳禮法枕麪無思喋如蛤辨士說客
談縱橫叱牛惟解供力耕爾來更自作奇痛晝苦吟呻
夜妨夢伏牀啜粥猶瀉浪鬻肉持將堪底用太倉受禾
三百廬大官烹羊俱鼎羶瀛州給膳稱學士飽食端居
今六年生平元不負此舌欲辨一奇了無說更憎此舌
工負予乃復累我七尺軀鴟夷槥載鷓鴣杓向口低眉

輒前卻齒牙助桀復搖落誤殺流涎韋快嚼仰天大笑
絕冠纓舌兮腹兮誰重輕

宿溪聲閣望香爐峰偶成二律

閱歷煙巖古琮琤雪澗橫海潮秋八月山雨夜三更肯
作隨流想難忘漱石情壯懷徒激烈聊復以詩鳴

廬峰三萬丈鳥道度嶙峋宿雨留前躡清風絕後塵誰
憐石樓客同是玉階人謝屐須乘興千年艸木春

寄道士楊休文

羽衣來自閭山前見說山中老散仙
出岫無心雲傷日
歸巢有意澗鳴泉同襟汗漫尋常客
掉鞅文章四十年
我亦近為猿鶴侶試從香火結前緣

己亥明裡恩封鄴侯感愧有作二首

靜即為方動即圓
幼知碁局老饒先
封同桑梓一千戶
蹟遠蓬萊二十年
品祿幸猶客後隱
榦舍何敢擬前賢
只餘築室疑相似
三萬牙籤還儼然

布衣所願極封留
佩飲歸來正倦遊
汗馬無功開上郡

鑄龜有意顧中流
南巡空負黃圖恨
北望還興紫陌愁
王國不煩謀主父
自憐支子亦通侯

謝趙季茂海錯二律

珍殽惟錯遠持將
賴有詩情合得嘗
明月擘蚶分瓦礫
晴霞浴蠶露珠房
鰾烏鯊白螺開靨
鉅紫蝦紅鰾挾腸
雁斷閩山歸未得
把杯猶憶少年場

苜槃朝日照蓬蒿
消得長吟賦老饕
喜見監州有螃蟹
未須學士議車螯
案鮓三九漫青韭
斗酒十千無白醪

應為近來詩思少故將飲興發風騷

二十七日復有旨除帥江西一旬之間兩奉除音

再賦二首

披腹忱辭久未呈
決旬兩詔下宸京
老臣何路通誠悃
聖主無私燭物情
鶴隴未渝耕隴志
牛衣空換錦衣榮
九重自是真知己
莫惜捐糜負此生

郊廛不隔馬牛風
枰環陰跬步通湖帶
江襟邦吟接雨簾
雲棟物華同未須
預計荒三徑幸有
需章達四聰

尚想東湖海棠開祇今未改舊時紅

香羸

金箱玉質介為裳一騎紅塵自遠方
籍掛衆香椒桂國身居大海水雲鄉
丁羸薦醢體猶具煎甲流芳名未亡
舉酒便應酬一醉尊前風味試平章

昨說屏篁間有繡悅之醺回車戲呈季茂

慣開嬌小處繞帶覓銀魚授雁定同瑞
弄麝應設書生朝今日是嘉醺早春初
無分陪湯餅到門空返車

春晴將游玉淵踐吳季謙待制馮可久武博山行
之約先走長句

康廬三萬丈下有神龍淵旁聯玉井並仰溯銀河連層
厓積冰雪斷岼藏風煙崔隕五老峰迸瀉三峽泉鯨鯢
碎紫霧蟬螭開青天脈疑海眼近寒入山骨堅澗艸搖
秋暉谷花發春妍其間地布金到處題標璇大哉象教
尊儼若螺髻仙巍巍南宗栢湛湛西方蓮總持包萬法
卓犖棲羣賢慈心鬼神仰顯跡今古傳遠令千聖境容

此一席顓我昔宿命通曾結他生緣嘗聞祖師隱上應
帝釋躔清宵珠石隕白浪星河邊至今澎湃中常欲光
景燃當時初卓錫如昔晚采椽浮雲常抗志立雪思比
肩壯懷凌九疊浩氣湧百川山水為高深志節爭後先
永言縈俗累茲遊今幾年猶想謝公屐同整劉琨鞭橋
梁識昨徑歲月驚舊鐫盍簪有耆碩授館許款延牛耳
盟屢寒馬頭月方圓便思供糗養更擬焚蘭茱先尋遺
民盟次迹繡佛禪策杖掛錢去拂石看山眠歸來廬山

南三士同陶然

詩成翌日病作未發

病中酬趙季茂

雪窗病惱獨支頤不解隨人舉酒卮
驚辨有時欺白羽解圍無婦蔽青絲
驪珠滿袖勾吟興廐斃看山戀藥糜
莫訝牛腰聯未足江州司馬例能詩

豫菴三瑞詩

環豫菴皆竹也嘉熙庚子三月忽呈三瑞皆前所未

覲或者嘉祥有待而出耶護以朱欄表以名扁因物
有感復系以詩

鵝竹

雷雨新頭角煙霄舊羽翰
聯根方拔象接翼更停鸞
紫錦雙翻箨青銅並倚竿
摩穹端有待聊復護彫欄

蟬竹

氣並陰陽正仁無雨露偏
闔開知有地竒耦自潛天
雖煥雙紋異仍存一節堅
薰風動蟬腹槐綠又鳴絃

龍竹

天矯青池近騰竿碧漢遙微風鳴榔管輕霧映鮫綃舞
翠槐齊秀蟠青松後凋終須還直道勁節自干霄

庚子三月二十七日又易守當塗四月十一日發
辭免之牘書懷成二唐律

九重旒冕真知己幾度弓旌憶款門素志不為溫飽計
赤心未報聖明恩鶴汀雲雨暮應捲牛渚風煙秋欲昏
休向長江問陳迹浮梁孤塔不堪論

去載西陲夏正初首驚禹閣下除書璇杓導旨方螭陞
珍園迎釐又見居三見綸音傳詔璽六看祭信到耕鋤
祇今又上公車奏何日煙蓑返老漁

十二日詠吉受通議大夫告再書述懷二首

聖代論思秩中朝博議官尚紆郡邸綬空著侍臣冠歲
月驚馳隙功名儘畫墁驛銷今已復半世愧戎鞍

五雲瞻觀闕百印寫綸絲有愧陪豹尾何功復鴈跼精
鏐盼紫磨實籙詠緇宜聖德知難報規銅笑白髭

四月二十日被以郡事入奏之命再賦二首

五雲堆裏望觚稜二紀周南夢未曾
四輩兩年勤詔札九重一念又黎蒸
烽臺雖有深秋燧雁塔應無曩日僧
預備正須如雍國不妨德業頌高昇

去年冬暮拜弓招槐夏重承接
畫朝錫馬敢期先雨露冥鴻自愧點
烟霄沙墀有路瞻唐表瓦缶何堪溷
舜韶歸郡定應遲六月却從故迹問
凌歊

新荷出水

貼水初翻紫玉團，忽驚矗立傍闌干。
瑤池七日來青鳥，玉鑑孤奩舞翠鸞。
曉露走盤珠，潑瑩晚風颭，蓋雪衣寒。
從今十丈開花面，大華峰頭更一看。

舟過庾樓

得名元是庾，西陽秋夜何。
關舊踞牀坐，上參差雉橫。
檻前來往燕，歸檣騷人雪。
月撩新句游子風，雲憶故鄉。
何日君恩粗可報，苔磯重此濯滄浪。

簡吳季謙，堅他日紫桑之約。時季謙有潭帥之命。

二首

幾年諸葛卧南陽
蠱澤春風詔趣裝
丹檢紫泥來四輩
碧油紅旆又三湘
不關富貴干旄戀
要看功名汗簡香
雪汁蓬婆漸秋水
好扶西極漢天長

君今西土我東馳
一醉相從又幾時
星變十年占軫野
風寒兩地說江湄
憂時有慮慮須早
了事欲歸歸未遲
年齒官班略相似
伴閒頻記樂天詩

兩宋名賢小集卷三百五十九